

LEIOA. Arropea eta maskara guztiak aldatu dabez aurton, ikuskizuna hobetzeko asmoz

Lamiakoko Maskaradea antzeztuko dabe, bihar arrastian, auzoko jaietan

Antzezpena hiru zatitan egingo dabe, urtero lez, arrastiko 17:00etatik gaua amaitu arte



LAMINA KULTUR ALKARTEA

Lamiakoko Maskaradea 1978 urtean antzeztu eben, lehenengoz; Leioako auzoan tradizio handia lortu dau ikuskizunak, azken urteotan.

Veronica Muñoz |

San Maximo jaiak ospatuko dabez, bihurtu aurrera, Leioako Lamiako auzoan. Txupinazoren ostean, arrastiko 17:00etan, Lamiakoko Maskaradea agertuko dabe, urtero lez. Ikuskizunak tradizio handia lortu dau herrian, eta, duda barik, jaietako ekitaldi nagusia bihurtu da. 1978 urtean agertu eban maskaradea, lehenengoz, auzoko 14 eta 20 urte arteko gazte talde batek. Euskal mitologia eta kultura ezeze, Lamiakoko historia be gogoratzeko asmoz sortu eben ikuskizun hori.

Arropea eta maskarak, barriak

Aurton, ganera, ilusino berezia ipini dabe proiektuan. Izan be, Lamiakoko Maskaradea osotzen daben 40 lagunak arropea, eta maskarak be aldatu dabez,

Udalak emondako laguntzeari esker. Beraz, ikuskizuna inoiz baino ederragoa izango dala itxaroten dabe antolatzaileek.

Maskaradea hiru zatitan egingo dabe. Lehenengoa arrastiko 17:00etan hasiko da, Gazteluetan; fanfarriek, erraldoiek, Maiatza izeneko pertsonaiak, eta herritarrek kalejirea egingo dabe, musikeak lagunduta. Bigarren zatian, 18:00etatik aurrera, euskal mitologiako beste hainbat pertsonaia agertuko dira. Mari eta Sugar herriko kaleetatik ibiliko dira, jenteari iluntzerako gertau daben ake-larrera joateko gonbidapena luzatzeko asmoz. Eurakaz batera, Prudentzi, Basajaun, Aker eta euskal mitologiako beste hainbat lagun ikusteko aukerea ziangor da.

Koadrilen jaitziera 20:00etan izango da; horren ostean,

22:30etik aurrera, Maskaradearen hirugarren zatia antzeztuko dabe; akelarrea izango da, metro geltokiaren inguruetan. Antzezpena amaitu ostean, barriz, Drakkar orkestreak musikea ipiniko dau, eta 1:30erako karaokea izango da, txosnan.

Umeentzako tailerrak ipiniko dabez, zapatuan, auzoko frontoietan. Eguerdian, barriz, herriko tabernetan poteetako ordua helduko jake Lamiakokoei. Irudimena ederto landu dabe jaietako antolatzaileek, eta ekitaldi bitxiak antolatu dabez: neska ezkonduen neskazaharren kontra jokatu daben partidua, Iparraldeko herri kirolak, sardina erreka, kaleko dantzak, eta antzerkia be izango dira, arrastian zehar, Lamiako auzoan.

Kaleko antzerkia, ikuskizunak, eta pop-rock kontzertuak

Iluntzeko 23:30ean, barriz, Asier Bilbao Show ikuskizuna izango da; horren segidan, Leioako pop-rock lehiaketara irabazi dauen taldeak kontzertua emongo dau.

Domekea kalejira bategaz hasiko da, 9:30etik aurrera. Goizeko 11:00etan, Lamiako Antzokian, Leioako Musika Bandak joko dau. Umeentzako parkea ez da faltako, frontoietan, eta Txapitel izeneko umeentzako ikuskizuna prestatu

EGITARAUA

MAIATZAK 25, BARIKUA

17:00etan: Txupinazoa, eta maskaradearen lehen zatia.

18:00etan: Lamiakoko Maskaradearen bigarren zatia.

20:00etan: Koadrilen jaitziera.

22:30etan: Maskaradearen hirugarren zatia, eta kontzertua, Drakkar taldeagaz.

MAIATZAK 26, ZAPATUA

9:30-13:00: kalejirea, umeentzako jolasak, eta herri poteoa.

16:00-21:00: Futbol partidua, herri kirolak, dantzaldia, sardina erreka, berbenaldia...

22:30etik aurrera: Antzerkia, Asier Bilbao Show ikuskizuna, kontzertua, eta karaokea.

MAIATZAK 27, DOMEKEA

11:00-18:00: Musika Bandaren kontzertua, meza nagusia, tortilla eta play-back txapelketak...

19:00: Berbenaldia, Haizea Trio-gaz.

dabe, txikientzat. Eguerdian meza nagusia izango da.

Tortilla txapelketea egingo dabe, urtero lez, arrastian, txosnearen inguruetan. Herritarrek artista ezagunen abestiak kantetako aukerea izango dabe, txapelketearen ostean, *Play-back* lehiaketan. Gauean, azkenik, berbenaldia izango da; urtero lez, aurtongo jaietako agurra esateko musikea erabiliko dabe. Oraingoan, Haizea Trio orkestreak joko dau.

LAGURAEAN

GETXO

Getxoko Behargintzako bost ikastarotako izena emoteko epea zabaldu dabe

Behargintzak heziketarako bost ikastarotako parte hartzeko epea zabaldu dau. Getxon erroldatuta dagozan lanbakoentzako ikastaroak dira, eta izena emoteko epea bagilaren 22an amaituko da. Ikastaroak iraila eta urria bitartean izango dira, eta ondorengoak izango dira: arrindegietan behar egiteko ikastaroa, eraikinen zaindaria, dendaren arduraduna, enplegurako agentea, eta aditua teledokumentazio digitala. Informazioa Algoriako Behargintza zentroan lortu leiteke.

BARRIKA

Barrikabason obrak jarraitzen dabela salatu dau Gorlizko EHk

Barrikabasoko (Barrika) San Telmo eta Muriola inguruetako lurretan urbanizetara debekatzeko behin betiko erabakia hartu barri dau EAeko Auzitegi Nagusiak. Horren barri emoteko idatzia bidali deusie Barrikako EHko zinegotziek Aldundiko Urigintza buruari. Zinegotziek aitatu dabenez, Barrikabasoko inguru horretan «obrak aurrera doaz, inoiz baino arinago, beharrak lege kanto egon arren». Inguru horretako obrak geldiarazoteko eskatu deutso EHk Aldundiari.

LEIOA

Kandelazubietako etxebizitzeara konponduko dabe

Leioako Kandelazubietako kaleko 21. zenbakian dagoan etxebizitzearan arazoak konpontzeko ikerketara egin dau Leioako Udalak. Izan be, orain dala hamar urtetik, etxebizitza horrek arazo larriak euki dauz bere egituraren. Azken sei urteotan, ganera, arazoak handitu dira, eta arraildurak agertu dira hormetan, beste arazo batzuen artean. Garajearen be arazo larriak euki dabez auzokideek. Egindako ikerketaren arabera, arazoak konpontzeko 30 milioi pezetan inguru gastatu behar izango dabe. Karmelo Sainz de la Maza alkatearen azalpenetan, diru hori ordaintzeko hitzarmena lortu gura dau Leioako Udalak, Bizkaiko Foru Aldundiagaz eta etxebizitzearan auzokideakaz.

AGENDEA

GETXO

Zine Kluba: Nacional 7 titulupeko filma botako dabe, 20:00etan, Areetako Gran Cineman. Sarrerea 250 pezetan dago.

Getxoarte: Getxoarte, arte barrien azokea inaugurauko dabe, 11:00etan, Areetako Metro geltokiaren ondoan.

BERANGO

Pelota txapelketea: Pelota txapelketa izango da, arrastian, pelotalekuan.

GORLIZ

Sahararen jardunaldiak: *Fatimetu*, Jon Andueza bideoa botako dabe, 19:00etatik aurrera, Gorlizko erakusketa gelan. Ostean, Gurutze Irizar *Fatimetu* erizainak Saharako kanpamentuetan bizi dan egoeraren ganean berba egingo dau.

ZAMUDIO

Berbalidia: Herri kirolen bilakaerea izeneko berbalidia emongo dau Iñaki Perurenak, 20:00etan hasita, Zamudio Torreon. Sarrerea doan izango da.